

Cietcuzcu Yauzczu Duh'anh Banh Ndaej Hoenghhwd

都安举办瑶族祝著节活动

□ Maj Civaz/马志华 ingj/sij

主办单位：中共都安瑶族自治县委员会
都安瑶族自治县人民政府
承办单位：都安瑶族自治县民族事务局
中共下勘镇委员会
下勘镇人民政府
地址：都安瑶族自治县文化体育广场



Diuq fouxnyenz Yauzczu, guh swncienz vunz haenh.



▲《Golau Mizlozdoz》, yied ciengq hoz yied swnh.



▲ Dwkgyangq doxdax rem, hekyouz hema ndeivawi.



▲ Gaeq doxdoj caen naemq, mwngz yaemz de mbouj dingz.



▲ Lawx son nyaeq roq gyong, swncienz hong naek raeuh.

6 nyied 23 hauh, Duh'anh Yauzczu Swciyen youq Yaau Cin Dahyauzlingj Biuvaij Gingjih hoengh banh cietcuzcu Mizlozdoz Yauzczu hozdung, 3000 lai boux beixnuengx Yauzczu caeuq gij ginzung aen minzczu wng angq comz youq giz ndeu, ciengq go diuq foux angq gvaq ngoenz ciet conzungj neix, cuengqcaeq buzcoj Mizlozdoz, niemhngeix gij aendaek cojcoeng.

Ngoenz ciet, cawz cuengqcaeq buzcoj Mizlozdoz le, lij banh miz riulaej, dwkgyangq biujyienj, nyingz naq doxdax, roeg doxdoj, gaeq doxdoj, diuq fouxnyenz, doiq fwen daengj hozdung dem. Doengxhaemh, gyoengqvunz hopngomx comz youq henz doifeiz, dingq vunzlaux Yauzczu ciengq go haenhdaeq Mizlozdoz, gyoengq vunzlaux doq ciengq doq gwn laeuj, gwn fiz go engq gok.

Gij vwnzyi biujyienj bineix, engq “doj” engq mizyinx, cezmuz ca mbouj lai dwg gyoengq ginzung gak yanghein gag bien gag yienj, gij doih biujyienj cungj dwg aendoih biujyienj nungzminz, gyoengqde gonqlaeng yienj le 《Golau Mizlozdoz》、《Go Gingqlaeuj Yauzczu》、《Angqyangz Mbanjyauz》、《Fouxnyenz》daengj vwnzyi cezmuz, lij baijyienj le dinfwngz cauhyuh conzungj ndawbiengz caeuq vwnzva conzungj dem, baijyienj ok gij fungcingz minzczu caeuq gij yinx vwnzva Bunujyauz Duh'anh, yienh'ok gij daejrom nanwt vwnzva minzczu Duh'anh, hawj gyoengq hekyouz bae yienhciegz haenx ndaej yawj mbat gaeuq ndeu, caenhcingz yiengjsou gij vwnzva minzczu daegsaek naekgywggwng neix.

Daj bi 2008 gvaqdaej, cietcuzcu Bunujyauz Duh'anh couh daj cijdan guh cuengqcaeq yizsi, daezswng baenz le aen cietgingq vwnzva hozdung aeu vwnzva minzczu caeuq cingsaenz seizdaih doxhuz giethab hwnjdaej ndeu, hozdung neiyungz caemh demgya le haizgiegraez doxdax, dwkgyangq doxdax, ngaizdoxcomz Ranzayauz, vwnzyi minzczu yienjok caeuq dinfwngz conzungj ndawbiengz minzczu baijyienj daengj. Daengz bi 2014, cietcuzcu Bunujyauz Duh'anh gaengq lienzdaemh banh baenz 13 gaiq.



▲ Ngoenzciet vunz daengz lai, yawj gwnz daiz yienj heiq.



▲ Caez caeq Mizlozdoz, guhvunz goj geiq goek.



▲ Yienj dinfwngz ndawbiengz, cienz ciengxlwenx mbouj gat.



▲ Miz doxdax doiq fwen, sing haprwenz gwnzlaj.



▲ Gizdieg banh hozdung, bajlungz caemh caenx yawj.